

28  
1250  
1-2

續刊聖賢圖序

紹興郡齊舊有聖賢圖一卷自伏犧以下迄于  
元魯齋許氏凡一百有二人人各圖一方每方  
左列儀像右載事蹟其起人景仰式刑之心兼  
備而於風教之裨不淺矣第以經歷歲深摹本  
剝落不甚明白予於成化丙午夏膺

命來司理郡獄暇間取而觀之慨然有感乃以重  
用鑄石謀於同寅華亭陶君質夫質夫欽衽肅  
然曰誠盛事也宜當舉行遂協心命工聿新刻  
本其規模仍諸舊而明白過之今其儀像儼然



有以動人心之景仰事蹟昭然有以來後學之式刑而風教之裨托斯圖以無窮賢聖之名藉斯圖而不朽嗚呼此則刻圖之意也圖既成書此以記刻之之歲月云

成化二十三年歲舍丁未夏四月吉旦

賜進士承事郎紹興府推官莆田周進隆識

題聖賢像

洪嘗於鞏昌府學見諸聖賢畫像彼皆施之繪事日彩照耀至今使入不了不忘今見高宗哲集聖賢像鏤諸琬琰可謂極備求宗哲之用心蓋為其祖高太尉居多太尉諱瓊宋朝名將當將北虜入寇太尉親擁真宗車駕過澶州北門橋大呼曰六軍心膽盡在朕下身上北虜見其輕出若不加意為之奪氣和議遂成今其子孫宗哲光昭前烈乃自伏犧以下集為一卷略具事實於各人之上俾後之人考知其詳可尚也

已以宗哲與上虞郭公世南為姻戚托求數語  
故略序其後嗟夫人生在世必為後人所稱道  
如卷中諸公可也若彭死如蓬麻豈不惜哉

正統三年夏六月致

行在翰林院脩撰同脩

國史事承務郎東吳張洪力疾書

歷代君臣圖像序

謹按語曰見賢思齊焉見不賢而內自省也又  
曰三人行必有我師焉擇其善者而從之其不  
善者而改之夫見其賢與善則思齊而從之不  
賢不善則自省而改之是二者皆我之師而為  
學切己之功無過乎此矣一日

內出孔聖畫真一軸歷代君臣圖

像一帙

命棟弘文館負製贊以進仍

命臣荐序之臣伏念

聖上以緝熙精一之學日與士大夫講劘切磋而不自滿暇又欲尚論古之人以為思齊自省之地而或從或改皆在於微隱之中必求止乎至極之域其用功之切獨自得於

聖衷而有非愚臣之所贅也竊惟凡人之品自非大聖不能無少疵自非至愚亦或有一善於一人之身取其善而去其疵則不必三人行而後為可師也凡人之性聞人之善雖在千百載之上莫不歆豔而興起聞其不善雖於千百載之後亦莫不唾罵而賤惡不必於吾身親見之而

後思齊而自省也然若因圖以觀像因像而求心則可法可戒者開卷瞭然而如親見之也如與之同行也其所以思齊自省而從之改之者豈不尤為深切著明也哉我

聖上慎獨日新之功其在茲乎臣既颺言以贊聖學切已之功而又以慎獨日新為聖功之終也

嘉靖四年閏十二月

日崇政

大夫議政府左贊成兼判義禁府事知 經筵  
事弘文館大提學藝文館大提學知春秋館成

均館事

世子貳師臣李荇奉

教謹序

上目錄

伏犧	神農	黃帝	少皞
顓頊	帝嚳	帝堯	帝舜
夏禹	殷湯	周文王	武王
漢高祖	文帝	景帝	光武
蜀先主	魏太祖	吳太祖	東晉元帝
南朝宋武帝	宋文帝	齊高帝	梁武帝
陳武帝	隋文帝	唐高祖	太宗
武則天	玄宗	憲宗	宣宗
李後主	宋太祖	仁宗	高宗

孝宗

寧宗

昭明太子

閩王

下

倉頡

皋陶

后稷

契

伊尹

傅說

太公

周公

老子

孔子

屈原

項王

張良

董仲舒

東方朔

司馬遷

楊子雲

嚴子陵

諸葛孔明

司馬懿

呂蒙

杜預

王導

謝安

謝玄

陶侃

王羲之

謝靈運

陶淵明

檀道濟

文中子

房玄齡

杜如晦

李靖

李勣

蔚遲敬德

狄仁傑

姚崇

宗璟

顏真卿

郭子儀

李白

杜甫

白樂天

韓文公

柳子厚

孟東野

賈島

高太尉

包龍圖

劉雲莊

周濂溪

邵康節

司馬溫公

程明道

程伊川

張黃渠

蘇東坡

黃山谷

楊龜山

岳飛

朱晦菴

長南軒

呂東萊

蔡西山

蔡九峯

真西山

許魯齋

伏犧






太昊伏犧氏風姓以木德王生而神明德合天地因河圖洛書而作八卦更造書契以代結繩之政由是文籍生焉蓋非特爲萬世字書之祖實開物成務之學也造化之秘泄於此聖道之統亦肇於此矣又教民養六畜充庖厨享神祇故又號庖犧氏焉


贊曰肇位上古首出庶類觀象取則俯仰天地秘泄造化道闡聖經開世肇育致運文明制作始著教化漸行遺像不泯百王之程

神農



炎帝神農氏姜姓火德王劉木爲耜揉木爲耒  
 以教天下之耕日中爲市致民聚貨交易而退  
 嘗百草品醫藥以濟疾病此後世農商醫之所  
 由起也又作五絃之琴詠豐年之歌故號焉  
 贊曰遂古之初民久無食聖神繼作教興生  
 息耒耜耕種實自帝功醫藥始有交易又通  
 生厚澤愈遠愈深五絃琴歌太平遺音六  
 丁四卦演易餘智神明萬古極天終地

黃帝



黃帝軒轅氏姓公孫土德王弱而能言長而敦  
 敏成而聰明炎帝既衰諸侯肆暴乃修德治兵  
 戮蚩尤而天下歸之舉風后力牧以為佐輔命  
 容成造律曆隸首作筭數伶倫製律呂實為文  
 明之始宮室書契章服畢具貴賤等分群生安  
 樂鳳巢龍遊非前朴野之俗矣  
 贊曰電繞樞星生而神靈兵振德修遂禽雖  
 尤或左或右牧將相書契始作宮室始創爰  
 播百穀爰造律呂制作畢備文明之祖

少皞



皇極經世一

四

少皞金天氏姬姓金德王時以九黎亂德神感  
 巫恠灾禘荐至乃修太皞之法象日月之明鳳  
 鳥適至為曆正焉

贊曰皇矣少皞績緒兢惕勵厥純誠九黎患  
 迪樂諧天人為紀治績永保著禧以徽鳳曆

顓頊



顓頊高陽氏姬姓水德王為民師以命民事測  
 靜有謀疏通知遠養材任地履時象天治氣以  
 化誠潔以祭萬物有序民安其生  
 贊曰昌意之子黃帝之孫生與道契作曆紀  
 元上順下寧物莫有否四遠咸屬七十八祀

帝嚳



君臣圖象上

六

帝嚳高辛氏姬姓木德王生而神異有言其名  
 聰以知遠明以察微順天之義知民之急仁而  
 威惠而信脩身而教萬民執中而徧天下日月  
 所照風雨所至莫不服從

贊曰高辛始興克慕顓頊仁威惠信厚德化  
 俗迎送日月明識鬼神大啓古牒至治斯臻  
 遐邇歸王臣妾萬國執中澁平寔垂帝則

帝堯



帝堯陶唐氏伊祈姓名放勳火德王其仁如天  
 其智如神就之如日望之如雲所居之宮茅茨  
 不剪土階三等百姓安樂日出而作日入而息  
 薦舜於天俾襲帝位後世言雍熙之治者莫不  
 以堯舜爲首焉

贊曰帝德廣運如神如天世質民淳因其自  
 然茅茨土階垂拱無爲耕鑿自由帝力不知  
 華封之祝康衢之謠熙如皞如其樂陶陶明  
 敷不陋玄德升聞能遜天下賢哉斯君

帝舜



帝舜有虞氏姪姓名重華火德王父頑母嚳象  
 傲常欲殺之克諧以孝蒸蒸又丕格姦孝聞于  
 堯欲遜位四岳咸薦釐降二女以試命總百揆  
 百揆時序慎徽五典五典克從賓于四門四門  
 穆穆納于大麓烈風雷雨弗迷仁以恤五刑之  
 用義以斷四罪之誅而天下咸服矣


贊曰玄德升聞重華協帝館甥貳室降女嬃  
 汭歷試三載終陟元后疇咨熙載股肱元首  
 四罪咸服流放竄殛民無能名嵬嵬聖德

夏禹





殷湯



夏禹奴姓名文命金德王初嗣父職以司空治  
水克勤敏給勞身焦思居外十三年過家門而  
不入別九州開九州定貢稅立經制惜寸陰興  
教校泣罪人絕旨酒聲為律身為度垂法萬世  
焉家天下傳十七主合四百三十二年矣

贊曰昔釐泝水胼胝溝洫叙厥彛倫永建皇  
極孔曰無間孟稱其德聖神天同百王之式

殷湯姓子氏名天乙又名履盤庚前國號商水  
德王舉伊尹之賢去三面之網諸侯咸歸之早  
以六事自責言未已大雨方數千里窮夜且之  
所思而汲汲焉立賢無方旁求俊乂而天下大  
治傳三十八君享國六百四十四年

贊曰長發有殷玄王之後受命代夏奄有九  
有網開三面早用六責大德旁流至誠上格  
日新又新齊聖廣淵濯濯厥靈於千萬年

周文王



武王



周文王姬姓名昌木德王勸農桑定井田關市  
不征澤梁無禁仕者世祿罪人不孥發政施仁  
必先鰥寡演卦作辭垂世立教道化所被者廣  
矣

贊曰商祚告訖訖獨夫熯虐不有西伯孰授民  
溺志繼古公業昌后稷三分有二天下法平  
德澤之深王道之享祚隆厥嗣寔大有成

武王名發續承文王之業以太公爲師周公爲  
 輔始伐紂革命踐天位而朝諸侯釋箕子囚封  
 比干墓散財發粟大賚四海萬姓悅服傳三十  
 五主享國八百六十七年

贊曰商運當否獨夫無厭虐焰一熾生民可  
 念牧野陳師王不得已天命已去人心難止  
 八百諸侯非我謀者孰曰尺土非王天下情  
 順事決于湯有光赫赫周業由茲永昌

漢高祖



漢高祖姓劉氏名邦豁達大度寬仁愛入好謀  
 能斷知人善任削除秦亂平定群雄五載而成  
 帝業雖日不暇給規模弘遠而禮文制度不能  
 復古君子惜之兩漢二十四帝四百六十九年  
 贊曰邑豐里陽神人發跡雲成五色劍奮三  
 尺將善諸將策屈群策除苛滅暴開漢大道  
 規模弘遠實茲肇造孰曰天下得之馬上龍  
 顏穆如千載遺像

漢文帝



漢文帝名恒承惠帝高后之緒掃除煩苛與民  
 休息加以恭儉專務德化由是海內富庶興於  
 禮義幾致刑措至於禮樂制度則謙遜未遑矣  
 贊曰諸呂蹶漢平勃翊運占橫代邸昌實庸  
 奮仁慈恭儉有顯令聞治致富庶化幾刑措  
 禮樂未遑黃老少悞弄視鄧郎恩薄賈生喟  
 其天表帝者之英

漢景帝




漢書卷九十四

漢景帝名啓既即位首賜民爵除田半租定律  
從輕移風易俗黎民醇厚可謂善矣然於君臣  
父子昆弟夫婦之間未免少愆其視乃考蓋不  
儻矣惟恭儉養民克遵洪業耳

贊曰漢景嗣業承文富庶偏示刻薄獨少仁  
恕廢后既忍誅錯太遽提局遺九譬猶貧方  
但遵節儉儷表成康


漢光武



漢光武名秀字文叔景帝子長沙定王發之後  
 受書通大義王莽篡祚起兵平亂即位洛陽聖  
 德龍興不階尺土才明勇略開心見誠恢廓太  
 度同符高祖

贊曰炎靈中替白水孕精賊莽驅魚開我東  
 京乾坤再揭摩幹新化弭威尚禮故人斯下  
 亦不忘舊飯粥是託能濟艱危終養節義皇  
 矣世祖人不空議

蜀先主





漢昭烈姓劉氏名備字玄德中山之後以諸葛亮為相許靖為司徒信義著於天下名正言順據蜀為國三分鼎峙再傳摠四十三年

贊曰桓靈不君炎祚缺運有卓帝冒奮載涿郡三分勢弱一隅義抗泣髀想憤躍馬懷壯眷托孱禪實賴忠亮嗟天不祐大功中渙昭烈哀謚永帝蜀漢


魏太祖



魏太祖姓曹氏名操字孟德初舉孝廉後守東  
 郡乘時而興用軍行師變化若神諸將征伐親  
 授教令與敵對陳意思安閒知人善察難欺以  
 偽畫講武策夜習經傳雅儉不靡勳賞不吝奸  
 詐雖多而巧於矯飾畏名義而終身不敢登帝  
 位亦可見教化之功大矣傳子丕而方立國五  
 傳四十六年

贊曰曹瞞英雄值漢亂世奉迎乘輿操權奪  
 勢驅策豪傑中實忌克既積人憤幸漏神殛  
 香分靈態塚疑藏悞為魏開祖吁漢之賊

吳太祖



晉書卷之...

吳大帝孫姓名權字仲謀承父兄餘烈奄有荆  
 揚任用賢俊謀謨勇略迭出於中赤壁之勝竟  
 摧大敵雄據一方卒成霸業四傳而六十年  
 贊曰勇奪萬夫名蓋一世屈身忍辱任才尚  
 計腹心子布股肱陸議身擅一方業成鼎峙  
 奄有荆揚薄于江南北魏罔侮西蜀何堪謀  
 襲句踐稱藩老瞞遺像儼然觀者瞻寒

東晉元帝



東晉元帝名睿琅琊恭王觀之子也時王室危  
 亂遷鎮建鄴愍帝遇害始即位紹統儉朴布素  
 禮任賢臣詳刑簡化光啓中興然儉有餘而武  
 不足惜哉而傳十一帝百四十年矣

贊曰清談沉痾金德韜華野居龍靈海弄鯨  
 牙明星應瑞景命還昌天心不爽人謀亦感  
 尚儉慎刑虛已容物蜀漢雖偏蒼錄罔訖

南朝宋武帝



南朝宋武帝

南朝宋武帝姓劉氏名裕字德興小字寄奴生  
 有神光照室長雄傑大度風骨奇偉不事廉隅  
 小節仕晉累封宋王削平寇亂興復晉室及即  
 帝位清簡寬欲嚴整法度政事脩明可為良主  
 然二子不得其死亦君致乎非命豈不為多殺  
 之報也而傳八主五十九年

贊曰姓劉名裕字曰寄奴呼盧任氣彭城豪  
 夫粗識文字夙有大志值晉之季出入相帥  
 誅討僭叛實增睥睨文彼忠貌遂此凶計空  
 令徵士寄憤千世

宋文帝



古史圖錄上

二十一

宋文帝名義隆涉經史善隸書其在江陵禱符  
 多集十八即位用賢討逆首正典刑仁厚恭儉  
 元嘉之間號為善治厥後延寇納侮政亦衰矣  
 贊曰纂統宜都恭儉先躬元嘉政羨江左治  
 雄強胡未靖毀汝長城竟執狐疑子禍宜成

齊高帝



世宗本紀 二十一

齊高祖姓蕭氏名道成字紹伯仕宋累封齊王  
 廢宋自立以身率下以儉化人每曰若我治天  
 下十年當使黃金與土同價咨訪得失信任臣  
 佐粗足稱耳七傳二十三年視六朝最爲從祚  
 贊曰清儉其性沉深其姿身當昏暴盛名難  
 持逆取順守足安一時托付非人國敗無遺  
 不務令德永年者誰

梁武帝



梁武帝姓蕭氏名衍字叔達生有異光日角龍  
 顏有文在手曰武仕齊宗族待以赤心至于老  
 死南北以降取為忠厚選廉平立學校江左無  
 事二百年間未有盛於斯者然而捨身佞佛仁  
 而無斷卒之餓死臺城為千古嘆哀哉四傳五  
 十五年

贊曰天資邁世妙藝絕倫既文既博亦儉亦  
 仁兢業一心宵旰萬機陰翳霽氛合璧揚輝  
 綱政已登華夏少康象教有誘帝命靡常

陳武帝





陳武帝姓陳氏名霸先字興國仕齊平侯景封  
陳王廢其主而自立雄武英略仁愛儉素無聲  
色之樂無金玉之飾粗為可取然出佛牙設大  
會亦愚矣哉五傳三十二年

贊曰國步屯艱身膺重寄功高不賞威福由  
已敬帝幼冲同未<sub>レ</sub>在位日禪日受<sub>レ</sub>潛移大器  
勵精為治克勤儉德禮樂未<sub>レ</sub>遑<sub>レ</sub>諳佛太<sub>レ</sub>盪  
謨不善後嗣何<sub>レ</sub>則

隋文帝



隋文帝 卷之六

隋文帝姓楊氏名堅以周靜帝元舅秉國政其  
 隋王尋篡周而立混一南北遂為正統減賦役  
 而罷酒鹽之權修律考刑備荒積粟可謂良主  
 然自以詐力得天下猜忌苛察信受讒言功臣  
 故舊無始終保全者此其所短也三傳三十八  
 年

贊曰應期挺生紫氣示異神人是護天命自  
 至欺孤取鼎有同反手剋定三邊平一丸有  
 宵旰圖治薄賦輕刑民殷物阜朝清野寧如  
 何猜忌聽信婦言廢嫡立愛自開亂源

唐高祖



唐高祖姓李氏名淵仕隋留守太原煬帝南巡  
 不返值亂起義立恭帝封唐王尋即帝位降殄  
 群雄海內咸服定律令興學校舉明經立官制  
 作均田租庸調法迹其成功之速蓋以太宗之  
 爲子也傳二十世二百九十年

贊曰隋肆穢惡大器誰將唐公應天克極黜  
 蒼薦生英俊芟劉姦傑攻莫與爭討莫與敵  
 寶命既集奄有六合積功累仁雖愧周室因  
 時特起與漢同揆鴻業一開三百之基

唐太宗



武則天



唐太宗名世民生四歲有書生曰龍鳳之姿天  
 日之表年幾弱冠必能濟世安民故命之年十  
 八起兵晉陽削平僭亂克建洪業神謀武略出  
 人意表雖武功定禔亂終以文德綏海內重道  
 尊儒客受直諫魏徵勸行仁義卒從其言駟致  
 天下大稔米斗三錢終歲斷死刑纔二十九人  
 東至于海南及五嶺皆外戶不閉行旅不賣糧  
 取給於道路其致治之效三代以還未之有也  
 贊曰天厭桀童假手文皇鳳翔三川龍驤三  
 荒跡追於武事監干湯駸駸文景進進成康  
 勤兵遠夷志何驟荒牽愛閨門瀆亂綱常資  
 雖日表德莫馨香

武則天名墨故荊州都督武士彠女年十四大  
 宗選為才人帝崩出為尼高宗即位召為後宮  
 進昭儀為皇后性明決涉獵文史處事皆稱旨  
 由是委以政事權侔人主謂之二聖既殺子弘  
 又廢子賢高宗崩中宗立又廢廬陵王更立子  
 旦遂自稱制革唐為周盛開告密之門煅煉羅  
 織誅殺不可勝紀素善用入賢才亦樂為之用  
 然其穢德彰聞亦所不能掩也  
 贊曰太宗才人塵聚瀆倫乾綱以墜牝雞之  
 晨革唐為周帝在房州取日之功雖賴狄公  
 去草不根其末滋繁唐室之亡實由閹門

唐玄宗



皇極經世一

三十一

唐玄宗名隆基始親政事勵精爲治禁女樂出  
 宮人毀服玩焚珠玉友愛敦睦內外均式搜遺  
 書註孝經二十餘年華夷悅服及其志欲既滿  
 侈心乃生廢后殺子寵愛壽妃卒致祿山之禍  
 以成華蜀之變可不戒與

贊曰天培仙李龍躍藩雲負屬外望廓清內  
 氛性卓英武才總權綱一德克瘥庶事且康  
 統鞏神堯域帖金甌昇平相忘華靡廼偷

唐憲宗



唐憲宗名純首用忠良斥逐群小從杜黃裳請  
 削平醜逆威令幾振既而驕侈寢生漸興土木  
 以金丹而貴方士因佛骨而貶賢臣其後卒死  
 於宦官之非命哀哉故傳曰素絲無常惟所染  
 之憲宗有焉

贊曰英果好謀威靈輝赫一決癰疽平我虜  
 革接賢論道蠲祖覃恩萬壑秋霜四海春暎

唐宣宗



唐宣宗名忱嚴重宣言初為太叔監國憂感滿  
容接遇群僚裁決庶務始見隱德既即位鄰災  
減膳任賢使能嘗書貞觀政要於屏風每正色  
拱手而讀之故太中之政人思議之謂之小太  
宗云

贊曰宣宗繼統在唐之末智能聽斷明亦摘  
扶雍和友著銅車儉章可矣細行其如大綱  
專察傷仁薄后太憮基衰三百千載遺鑑

李後主





宋太祖



李後主名煜字重光景之第六子也祖昇石晉  
時受其禪煜豐額駢齒一目重瞳嗣位金陵用  
徐鉉等為輔至宋太祖時遣曹彬征之煜降封  
違命侯三傳五十九年

贊曰五季搶攘猥據南隅猶興運猶懷異  
圖計窮勢迫身為俘獲空思古國泣涕何及

宋太祖姓趙氏名匡胤生於洛陽夾馬營赤光  
 滿室及長容貌雄偉器度豁如仕周爲殿前都  
 點檢命率禁兵禦契丹見日下復有一日黑光  
 摩盪夕次陳橋驛衆共推戴及入京師秋毫無  
 犯遂即帝位以火德王國號宋傳世十六三百  
 乙十七年

贊曰天厭五季人歸一德黑光啓祥黃袍協  
 吉大略雄才制禮作樂德基仁厚柞綿三百  
 友敦分艾儉所鋪翠禪讓承訓長君待特

宋仁宗



宋仁宗名禎真宗子也年十三即位初母后臨  
 朝政非已出慶曆已後君子滿朝恭儉仁慈愛  
 入恤物之心終始如一晏駕之日雖深山窮谷  
 之民莫不奔走悲號其得人心如是嗚呼仁哉  
 贊曰為君有道當止於仁儉以率下寬以撫  
 人兵貴不用欽恤惟刑表章庸學斯道復明  
 政教俱修允矣君師一廢正后未婦道虧

宋高宗



宋高宗名構徽宗第九子也雖能中興而無撥亂之才信任奸邪惑於和議雖有李綱張浚之相張韓劉岳之將不能復尺寸之地稱臣奉貢忘不共載天之讐由其本心畏懦剛果不足故也先是兩京不及顧蓋宗澤之喪早惜哉

贊曰宋祚中微胡羯猖獗孽臣假號二帝播越人心思漢天祿未訖嗣守丕基宜復舊物秦檜秉政和議益決執幣稱臣境土日削厚區忍恥足稱懦弱

宋孝宗



宋孝宗名瑋太祖七世孫高宗育之於宮中立  
 爲皇太子性至孝事上皇二十六年孝養備至  
 升遐之日哀慕尤切特行三年之喪有恢復之  
 志值金主雍之賢無覺可乘南北講和俱得休  
 息千載以來孝親之君一人而已

贊曰上宮悔裕啓我聖孝毓靈宮中至性無  
 教先此行原克念墜緒顧瞻南北無覺可舉  
 金甌雖缺休息有所况茲哀孝展禮亶亶謚  
 孝之懿千載無幾

宋寧宗



古今圖說上

三十八

宋寧宗名擴光宗子謙恭仁恕柔而少斷受  
權奸玩兵致寇逆片忠良廢黜正學邪佞得志  
人民怨嗟自是令人犯邊疆場日蹙而國勢漸  
危雖有小善不足稱也

贊曰寧宗繼序天步克艱外讎抗怒權臣激  
茲哀我善士勢成冰炭仁柔不剛綱紀日渙  
卅載孤危慨有餘歎

昭明太子



昭明太子姓蕭氏名統字德施梁武帝之子三  
 歲受孝經論語五歲徧讀五經悉通諷誦性仁  
 孝姿容善舉止讀書數行並下自加元服使  
 省萬機謬誤巧妄皆即辨析平獄多宥喜文章  
 善著述聚書至三萬餘卷有文選三十卷行于  
 世惜其壽位不及止於此耳

贊曰元良膺期毓德青宮孝友丕至今譽日  
 隆沉潛典墳涉獵道經摛文採藻發諸性情  
 承兆幹國輿望允屬明決萬機欽恤庶獄前  
 星倏黯厥施未博

閩王



閩王審知姓王氏初兄潮自唐攻范暉奄有閩  
國加威武節度使進琅琊王朱溫開平間封閩  
王至晉出帝開運三年為南唐掠滅之凡六主  
合五十有年

贊曰崛起農家托身盜中萬死剋賊策勳輸  
忠慶賞之行分茅之封建學四門以教閩士  
好禮儉約閩人之義



